


DIVENTA RESILIENTE!
**PARTECIPA CON NOI
E SOSTIENI LA RETE DELLE
COMUNITA' LOCALI WIGWAM**
Quote associative 2023

- Socio Ordinario € 25,00
- Socio Sostenitore € 100,00
- Socio Sostenitore Ente € 300,00

c/c Postale n. 69120327 intestato a Wigwam APS Italia o con bonifico a IBAN IT86X0760112100000069120327 BIC/SWIFT BPPITRRXXX



Lucia Beltrame
Wigwam Correspondent
Verona

I 150 ANNI DI DON CALABRIA NELLA PARLATA VERONESE

Il buon prete che aiutava i giovani e i poveretti, sarà ricordato nel suo 150.mo genetliaco dal 25 settembre all'8 ottobre 2023

Dal 25 settembre all'8 ottobre 2023 si svolgeranno a Verona le celebrazioni per i 150 anni dalla nascita di don Giovanni Calabria. Sono tante le iniziative in programma, ma qui io accenno nel nostro dialetto il percorso di bene tra i fanciulli, fatto da questo santo "Faro di luce".

El 18 de aprile 1999, el prete che jutava i zóeni e i poareti l'è stà proclamà Santo. A la cerimonia de Roma, i è rivè in tanti da tuto el mondo. In te na socetà senza valori, come quella de ancó, el so messaggio l'è rivoluzionario. Giovanni Calabria l'è stà el profeta del ventésimo sècolo.

Eco, in te na passeggiata, i loghi de la città de Verona che à fato da teatro a la so vita e a le so òpere. Che parla de Lu ghè na targa su la casa al nùmaro 7 de vicoło Disciplina, poco distante da piassa Bra, 'ndo' che l'8 de ottobre del 1873 Giovanni Calabria l'è nato. "Qui", ghè scritto su la facienda de la casa,

De la corrispondenza avegnù tra me zio prete e don Giovanni Calabria m'è restà na cartolina co la firma del santo. L'ò messa sul me comodin, tra le relichie de casa



**La Wigwam
Local Community
Verona - Italy**



Il Giubileo calabriano,
per i 150 anni dalla nascita
di Don Calabria



L'Istituto Don Calabria di San Zeno in Monte

"nacque il sacerdote Giovanni Calabria, gloria della chiesa veronese".

Ne la misera sofita de sta casa, Angela Foschio l'è visto nàssar el so sètimo e ùltimo fiol: Oreste, Giovanni, Maria. El papà Luigi el faséa el zavatìn: donche, na fameja poareta, con sete fiói, ma solo tri i è riussii a deventar grandi.

Da qua, tra Castelvecio e la Bra, podemo partir par incontrar la Verona de don Calabria, par farse strada come in te na gita, caminando tra i loghi de la vita del prete santo, na vita che l'è passà tra do guere mondiali, senpre da le parte de i veronesi poareti.

1ª tapa: vicoło Disciplina. L'è uno de i tanti vicołi che sboca fora in corso Cavour. Senpre in sta zona qua dovemo nominar la cesa che ghè vizin, dove Gio-

vanni l'è stà batezà el 1º novembre 1873.

2ª tapa: la cesa de S. Lorenzo, perla de l'architettura veronese. El pìcolo Giovanni el ghe 'ndava a servir messa tuti i giorni. L'è stà cresemà el 29 maggio 1882 dal cardinal Luigi Canossa. Propio in sta cesa, el 15 agosto 1901, dopo che l'è stà ordinà prete, (11 agosto) l'ha dito la so prima Messa.

3ª tapa: Palazzo Portalupi, dove so sàntolo, Albasini, el ga regalà a Giovanni, dopo che l'è stà cresemà, l'orologio grandò che gh'è ancora so la faciata del palazzo.

4ª tapa: l'Ospedale Militare che l'è stà el primo campo de mission par don Calabria, senpre pronto a servir i so comilitoni malè, specialmente quando è scopià chela brutta epidemia de

tifo. Anca Giovanni l'ha ciapà el tifo, che ghè volù 41 giorni prima de guarir.

5ª tapa: la cesa de Santo Stefano, la prima parochia del santo, l'è nantra cesa preziosa par l'arte veronese, int'on quartiere, allora, tra i piassè poareti de la zità. Giovanni el ghe 'ndava a farghe visita a le fameje, in chele sofite scure e piene de miseria, par portarghe i sacramenti, ma anca el pan e na coerta. Don Giovanni e so mama i stava là in chela ùmile casa de la parochia, in vicoło Fontanele, 4.

6ª tapa: la ceseta de San Benedetto al Monte. El véscovo, nel 1906, el ga affidà a don Calabria la vicaria autonoma de S. Benedetto. Qua el tegnèa i buteleti bandonè da tuti, e la Provvidenza la ghe mandava da magnare par mezo de le piazarote de Piazza Erbe.

7ª tapa: la casa de vicoło Case Rotte, n. 6, o casa de "i buoni fanciulli", verta per la prima olta el 26 novembre 1907.

8ª tapa: el stàbile de San Zeno in Monte che, el 6 novembre 1908, l'è diventà la casa madre de l'Opera don Calabria. El conte Perez, "fratello" de don Calabria, là vendùo le so tere par cronpar tuto el spazio libaro tacà a San Zen in Monte. De sera, ghè na croce granda de fero senpre illuminà, che la se vede da tuta Verona. Qua ghè anca la ceseta vecia de i Crociati, Santa Maria de Betleme.



Don Giovanni Calabria

9^a tapa: la casa de San Benedetto, ne la casa vecchia de Nazaret. Eco n'antro canton bellissimo de la Verona de don Calabria; prima, l'era stà la casa d'istà de i véscovi veronesi. L'è stà cronpà nel 1930, co l'aiuto de la Provvidenza e l'è servìa par i "aspiranti fratelli". La se trova sora a San Giovanni in Vale, in direzion de Castel San Pietro.

10^a tapa: la ceseta de San Zeno in Monte. Quaghè la tonba de S. Giovanni Calabria, morto el 4 dicembre 1954. Su la so tonba, in marmo nero, el cardinal Ildefonso Schuster l'ha fato scriver sora in latin: *"Giovanni Calabria, prete fondatore della Congregazione dei Poveri Servi e delle Povere Serve della Divina Provvidenza, che fino all'età di 81 anni, con la sua vi-*

ta, gli scritti, e le generose istituzioni, venendo in aiuto ai poveretti, ha brillato come un faro luminoso nella Chiesa di Dio".

A tuto sto discorso, vorìa zontar on percorso mio personale, fato indirettamente tràmite me zio don Luigi Mozzambani, amico de Giovanni Calabria, fin da i tempi de quando tuti du i se catava a l'Ospedale Militare de Verona. 'N'amicizia nata tra i zóeni soldè malè e senpre mantegnù ne i ani. Me zio prete el 'ndava spesso a pié sù par la salita de San Giovanni in Monte a catar sia don Calabria che i so buteleti che ghera là in colegio, volonterosi de studiar, ma privi de mezi. Don Luigi el ricoréa spesso a la infinita sensibilità e senso de acoliencia che sto santo prete el ghe riservava, a lu e ai "Poveri Fanciulli". "Sentéa che te saressi vengnù" el ghe diséa Giovanni Calabria, 'ndàndoghe incontro. "Cussì 'desso bevo anca mi on gozin de caffè bon, come i òspiti."

De la corispondenza avegnù tra me zio prete e don Giovanni Calabria m'è restà na cartolina co la firma del santo. L'ò messa sul me comodin, tra le relichie de casa. La sera, prima de indoromezarme, baso con devozion chel santo nome vergà personalmente da Lu ■

© Riproduzione riservata

GIOVANI COMUNICATORI

UNDER 25



PREMIO WIGWAM
STAMPA ITALIANA
2024



www.wigwam.it



A CHI È RIVOLTO
UNDER 25
AMMINISTRAZIONE PUBBLICA
AZIENDA
PRIVATO CITTADINO

COME?

Con elaborati
inediti o
illustrazioni

SCOPO DEL PREMIO

- Valorizzazione delle peculiarità locali;
- Riattivare il dialogo intergenerazionale.
- Stimolare attività di comunicazione e informazione;
- Favorire emulazione, collaborazione e partenariati;



LASCIACI IL TUO CONTATTO,
TI SPIEGHEREMO COME SOSTENERE
QUESTA INIZIATIVA!

